



NOTULE VAN 'N SPESIALE VERGADERING VAN DIE SWARTLAND MUNISIPALE RAAD, GEHOU IN DIE MALMESBURY BANKETSAAL OP DONDERDAG, 26 MEI 2016 OM 11:50 (na afloop van Gewone Raadsvergadering)

TEENWOORDIG:

Speaker, rdh N J A Rust

Uitvoerende Burgemeester, rdh T van Essen
Uitvoerende Onderburgemeester, rdh M S I Goliath

Abrahams, M Z (DA)	Stanley, B J (DA)
Cleophas, J H (DA)	Stemele, O M (DA)
Cloete, C M (ANC)	Traut, L (DA)
Cox-Chetty, Y S (TPICO)	Van der Merwe, J I (COPE)
Papers, C H (DA)	Van der Westhuizen, R F (DA)
Philander, D B (ANC)	Van Zyl, M (DA)
Rangasamy, M (DA)	Wilskut, W (DA)
Sedeman, A C (DA)	Zatu, N S (ANC)
Sneewe, A M (ANC)	

Beampes:

Munisipale Bestuurder, mnr J J Scholtz
wnd Direkteur: Finansiële Dienste, mnr M A C Bolton
Direkteur: Korporatiewe Dienste, me M S Terblanche
Direkteur: Beskermingsdienste, mnr P A C Humphreys
Direkteur: Ontwikkelingsdienste, mnr J T Steenkamp
Direkteur: Elektriese Ingenieursdienste, mnr R du Toit
Direkteur: Siviele Ingenieursdienste, mnr A J Botha
Bestuurder: Sekretariaat en Rekords, me N Brand

1. OPENING / VERLOF TOT AFWESIGHEID

Die voorsitter open die vergadering.

Verlof tot afwesigheid word verleen aan rdle C Fortuin, F S Humphreys en B W Geel.

2. NOTULES

2.1 NOTULE VAN 'N SPESIALE RAADSVERGADERING GEHOU OP 31 MAART 2016

BESLUIT

(op voorstel van rdl M van Zyl, gesekondeer deur rdl A C Sedeman)

Dat die notule van 'n Spesiale Raadsvergadering gehou op 31 Maart 2016 goedgekeur en deur die Speaker onderteken word.

3. SAKE VIR BESPREKING

3.1 2DE AANSUIWERINGSKAPITAAL EN –BEDRYFSBEGROTING VIR DIE 2015/2016 FINANSIËLE JAAR (5/1/1/1, 5/1/1/2 – 2015/2016)

Die Speaker gee geleentheid aan die Uitvoerende Burgemeester, rdh T van Essen, om die items op die sakelys onderskeidelik aan die Raad voor te lê.

Rdh T van Essen/...

3.1/...

Rdh T van Essen begin sy voorlegging om alle partye (mede Uitvoerende Burgemeesterskomiteeëde, raadslede, amptenare, spesifiek dié van die Begrotingskantoor, mnre C F Gerber, L Fourie en P le Roux) te bedank vir elkeen se aandeel om die begrotings voor te lê, sowel as die verkryging van die vyf agtereenvolgende skoon oudit.

Die Wet of Plaaslike Regering: Munisipale Finansiële Bestuur, No. 56 van 2003 (MFMA) maak voorsiening dat 'n munisipaliteit sy goedgekeurde jaarlikse begroting deur middel van 'n aansuiweringsbegroting mag hersien.

Die Uitvoerende Burgemeester noem dat alhoewel daar reeds in Januarie 2016 'n aansuiweringsbegroting op die 2015/2016 begroting aanvaar is, addisionele fondse, soos gelys in die sakelys, vanaf nasionale en provinsiale departemente ontvang is. Hierdie fondse moet ingevolge Artikel 28(b) van die MFMA ook in vermeldde begroting deur middel van 'n aansuiweringsbegroting geakkommodeer word.

Die aangeleentheid word deur die Speaker tot stemming gebring, en word (in die afwesigheid van drie raadslede) –

EENPARIG BESLUIT

(op voorstel van rdh T van Essen, gesecondeer deur rdl M Rangasamy)

- (a) Dat die wnd Direkteur: Finansiële Dienste opdrag gegee word om aan die nodige statutêre vereistes in terme van die MFMA te voldoen en dat die Nasionale en Provinsiale Tesourie dienooreenkomstig ingelig word;
- (b) Dat kennis geneem word dat die 2de aansuiweringsbegroting geen verhoogde finansiële implikasie vir die Raad inhou in terme van verhoogde tariewe vir die 2015/2016 finansiële jaar nie, maar wel 'n positiewe vermindering in die tekort van –R8 040 592 na R1 040 592;
- (c) Dat kennis geneem word dat die 2de aansuiweringsbegroting nie 'n impak op die 2016/17 en 2017/18 MTREF finansiële jare soos goedgekeur op 28 Mei 2015 sal hê nie;
- (d) Dat goedkeuring verleen word om die kapitaal- en bedryfsbegroting vir 2015/2016 as volg te wysig:

		<u>Histories</u>	<u>Tans</u>
(1)	<u>Kapitaalbegroting</u>	: 2015/2016 R 92 885 408	
	Aansuiwerings Kapitaalbegroting 1	: 2015/2016 R	R 83 701 437
	Aansuiwerings Kapitaalbegroting 2	: 2015/2016 R	R 90 701 437
(2)	<u>Bedryfsbegroting</u>		
	<u>Inkomste</u>	: 2015/2016 R 564 444 651	
	Aansuiwerings Inkomstebegroting 1	: 2015/2016 R	R 599 195 579
	Aansuiwerings Inkomstebegroting 2	: 2015/2016 R	R 613 402 983
	<u>Uitgawe</u>	: 2015/2016	R 579 331 647
	Aansuiwerings Uitgawebegroting 1	: 2015/2016 R	R 607 236 171
	Aansuiwerings Uitgawebegroting 2	: 2015/2016 R	R 614 443 575
	<u>Surplus/Tekort</u>	: 2015/2016 -R 14 886 996	
	Aansuiweringsbegroting 1	: 2015/2016 R	-R 8 040 592
	Aansuiweringsbegroting 2	: 2015/2016 R	-R 1 040 592

- (e) Dat die aangesuiwerde tabelle soos vereis deur die Begrotings- en Rapporteringsregulasies ingevolge die MFMA, soos uitgesit in Aanhangsel A, goedgekeur word.

3.2/...

3.2 FINALE GOEDKEURING: HERSIENING VAN DIE 2012-2017 GEÏNTEGREERDE ONTWIKKELINGSPLAN (GOP) (2/1/4/4/1)

Die Uitvoerende Burgemeester noem dat die item tot die sakelys die vierde en laaste hersiening van die 2012-2017 Geïntegreerde Ontwikkelingsplan (GOP) behels, en hou die wysigings voor wat sedert Mei 2015 aan die GOP aangebring is.

Rdh van Essen verwys spesifiek na die akkommodering van –

- (1) Die vyfjaar kapitaalbegroting
- (2) Die vyfjaar bedryfsbegroting per strategiese uitkoms
- (3) Die jongste behuisingspyplyn
- (4) Die indeling van die nuwe kapitaalbegroting per wyk in die hersiende GOP.

Die uitslag van die nuutste 'LED-maturity assessment' word ook toegelig waar Swartland Munisipaliteit baie goed vergelyk met ander munisipaliteite, sowel as 'n verbetering toon sedert 2012 op meeste van die 'LED-kriteria' wat beoordeel word.

Die aangeleentheid word deur die Speaker tot stemming gebring, en word beslis (in die afwesigheid van drie raadslede) met dertien (DA) raadslede, een (COPE) raadslid en een (TPICO) raadslid ten gunste daarvan, en vyf (ANC) raadslede daarteen.

BESLUIT

(op voorstel van rdh T van Essen, gesekondeer deur rdh M S I Goliath)

Dat die hersiening van die 2012-2017 Geïntegreerde Ontwikkelingsplan (GOP) asook die hersiening van die Areaplanne goedgekeur word.

3.3 GOEDKEURING VAN DIE MEERJARIGE KAPITAAL- EN BEDRYFSBEGROTINGS, GEWYSIGDE BEGROTINGSVERWANTE BELEIDE, EIENDOMSBELASTING, TARIWE EN ANDER HEFFINGS VIR 2016/2017, 2017/2018 EN 2018/2019 (5/1/1/1, 5/1/1/2, 5/1/4-2016/2017)

Op versoek van die Speaker, gaan die Uitvoerende Burgemeester, rdh T van Essen voort om sy begrotingsrede voor te hou, waarvan 'n afskrif – vir volledigheid – by hierdie notule aangeheg word as Aanhangsel A.

Spesifieke vermelding word gemaak van die wysigings wat sedert die 90-dae begroting aan die kapitaal- en bedryfsbegroting, sowel as die tariewe aangebring is. Die Uitvoerende Burgemeester noem ook dat daar vir 'n verdere 2% afslag vir landbouers voorsiening gemaak is (m.a.w. 'n heffing van 20% van die residiënle koers) weens die feit dat die Weskus as 'n drooggeteisterde rampgebied verklaar is.

In 'n poging om die munisipale rekening so bekostigbaar as moontlik te hou, kan huishoudings 'n gemiddelde verhoging van 5% tot 9% vir die 2016/2017 finansiële jaar verwag.

Die Uitvoerende Burgemeester behandel voorts die kommentaar/insette wat vanaf die publiek gedurende die publieke deelnameproses ontvang is, sowel as die interne kommentaar wat op die insette voorberei is (aangeheg as aanhangsels B1-5).

Rdh T van Essen noem dat opdrag aan die Bestuurspan gegee sal word om 'n gyskaal te ondersoek waar die volle deernissubsidie toegeken word wanneer die gekombineerde inkomste van 'n huishouding nie R4 515,00 oorskry nie, maar ook 'n verlaagde deernissubsidie aan huishoudings wat hierdie perk tot op 'n bepaalde bedrag oorskry.

Die Uitvoerende Burgemeester noem dat die Raad baie trots daarop kan wees dat weereens daarin geslaag kon word om 'n 'pro-poor' begroting op te stel, spesifiek dat 72% van die meerjarige kapitaalbegroting in die arm gebiede spandeer sal word.

Die Speaker gee geleentheid om repliek op die begrotingsrede van die Uitvoerende Burgemeester te lewer.

Rdl D B Philander spreek die ANC se teenkating uit teenoor die vermindering van die toekenning in gratis water vanaf 9kl na 8kl aan deernishuishoudings. Rdl Philander noem dat die behuisingsagterstande veroorsaak dat meer en meer agterplaasstrukture

3.3/...

opperig word. Die gevolg hiervan is dat meer as een huishouding op 'n perseel afhanklik is van die deernissubsidie, ingesluit die gratis water. Rdl Philander wys verder daarop dat, met voormelde in ag genome, daar 'n wanpersepsie bestaan dat wanneer 'n deernishuishouding die gratis water wat toegeken word oorskry, water vermors word.

Rdl Philander noem dat daar akkoord gegaan word dat 'n ondersoek ingestel moet word om deernissubsidie aan huishoudings te gee wat die inkomste van R4 515,00 oorskry.

Rdl Philander spreek verder die ANC se teenkating uit teenoor die vermindering van subsidie op die eiendomswaardasie van deernishuishoudings vanaf R115 000 na R95 000. Indien die gratis water en subsidie op eiendomswaardasie verminder word, kan daar nie verwys word na 'n 'pro-poor' begroting nie.

Die Uitvoerende Burgemeester noem, dat met verwysing na die behuisingsagterstand en agterplaasstrukture as resultaat daarvan, deel van die behuisingsoplossing sal moet wees om die lewensomstandighede van agterplaasbewoners te verbeter. Alhoewel daar tans 'n verbod daarop is om dienste aan agterplaasstrukture te voorsien, sal dit oorbrug moet word om ook in hierdie mense se basiese behoeftes te kan voorsien.

Rdh T van Essen noem dat die bekommernis bestaan dat, met die huidige situasie, indien daar meer gratis dienste aan die eienaar beskikbaar gestel word, dit nie deurgevoer sal word na die agterplaasbewoners nie.

EENPARIG BESLUIT – onderhewig aan die teenkating van die ANC op aspekte genoem in paragraaf (t) –
(op voorstel van rdh T van Essen, gesekondeer deur rdl M Rangasamy)

(a) Dat die meerjarige kapitaal- en bedryfsbegroting, soos hieronder opgesom, deur die Raad **goedgekeur** word:

		<u>Histories:</u>	<u>Tans:</u>
(1) <u>Kapitaalbegroting</u>	: 2015/2016	R 92 885 408	R
Aansuiwerings Kapitaalbegroting 1	: 2015/2016	R	R 83 701 437
Aansuiwerings Kapitaalbegroting 2	: 2015/2016	R	R 90 701 437
90 Dae Konsep	: 2016/2017	R	R 74 945 020
30 Dae Finaal	: 2016/2017	R	R 74 689 669
	: 2017/2018	R	R 92 115 550
	: 2018/2019	R	R 148 449 357
(2) <u>Bedryfsbegroting</u>			
<u>Inkomste</u>	: 2015/2016	R 564 444 651	R
Aansuiwerings Inkomstebegroting 1	: 2015/2016	R	R 599 195 579
Aansuiwerings Inkomstebegroting 2	: 2015/2016	R	R 613 402 983
90 Dae Konsep	: 2016/2017	R	R 648 309 465
30 Dae Finaal	: 2016/2017	R	R 641 914 085
	: 2017/2018	R	R 698 162 497
	: 2018/2019	R	R 711 484 474
<u>Uitgawe</u>	: 2015/2016	R 579 331 647	R
Aansuiwerings Uitgawebegroting 1	: 2015/2016	R	R 607 236 171
Aansuiwerings Uitgawebegroting 2	: 2015/2016	R	R 614 443 575
90 Dae Konsep	: 2016/2017	R	R 656 889 569
30 Dae Finaal	: 2016/2017	R	R 654 711 941
	: 2017/2018	R	R 701 640 184
	: 2018/2019	R	R 705 930 968
<u>Surplus/Tekort</u>	: 2015/2016	-R 14 886 996	R
Aansuiweringsbegroting 1	: 2015/2016	R	-R 8 040 592
Aansuiweringsbegroting 2	: 2015/2016	R	-R 1 040 592
90 Dae Konsep	: 2016/2017	R	-R 8 580 104
30 Dae Finaal	: 2016/2017	R	-R 12 797 856
	: 2017/2018	R	-R 3 477 687
	: 2018/2019	R	R 5 553 505

(b) Dat die Raad **kennis neem** van die aanpassings wat plaasgevind het tussen die 90 dae en 30 dae begroting soos gelys in **Aanhangsel B**;

3.3/...

- (c) Dat die Raad **volstaan** met die voorgestelde elektrisiteitstariewe wat tydens 31 Maart 2016 aan die Raad voorgelê was, aangesien Nersa tans steeds ingebreke bly om die finale goedkeuring te gee t.o.v. voormelde tariewe soos voorgelê was tydens die 90 dae begroting;
- (d) Dat die finaal voorgestelde meerjarige kapitaal- en bedryfsbegroting ten aansien van die 2016/17 - 2018/19 finansiële jare ingevolge artikels 16 en 17 van die MFMA **goedgekeur** word;
- (e) Dat die eiendomsbelasting tariewe, tariefstrukture en heffings vir water, elektrisiteit, vullisverwydering, riool en ander diverse heffings soos uiteengesit in **Aanhangsel B, goedgekeur** word;
- (f) Dat die jaarlikse begrotingstabelle soos vereis deur die Begrotings- en Rapporteringsregulasies en uiteengesit in die tabelle in **Aanhangsel C, goedgekeur** word;
- (g) Dat die begrotingsverwante beleide soos vervat in **Aanhangsel D, goedgekeur** word;
- (h) Dat die Raad **goedkeuring verleen** vir die salarisverhogings ten opsigte van die Munisipale Bestuurder en artikel 56-aanstellings wat wissel tussen 7%-7,28%;
- (i) Dat **kennis geneem** word van die inhoud van MFMA Omsendbrief No. 82: Cost Containment Measures (**Aanhangsel E**);
- (j) Dat die aksieplanne (**Aanhangsel F**), ten einde uitvoering te gee aan die voorgestelde besparingsmaatreëls **goedgekeur** word;
- (k) Dat die Raad **kennis neem** dat die aanbevelings(waar van toepassing) in Omsendbrief 82 in ag geneem was met die hersiening van die begrotingsbeleide;
- (l) Dat toepaslike oorsig meganismes **ingestel** word om besparingsmaatreëls te monitor, ten einde te voldoen aan artikel 62 en 167 van die MFMA om te verseker dat redelike stappe geneem word vir die effektiewe, doeltreffende en ekonomiese gebruik van openbare hulpbronne en in die beste belang van die plaaslike gemeenskap;
- (m) **Ten aansien van die voorgestelde oorname van die ontbondelde bates van die grootmaatwatervoorsiening van die Weskus Distriksmunisipaliteit:**
 - (i) Dat daar **kennis geneem word** dat die besonderhede bekend is van die eksterne lening en waardevermindering van die Weskus Distriksmunisipaliteit se waterinfrastruktuur, en die potensiele oordrag tussen Swartland Munisipaliteit en die ander twee B-munisipaliteite, synde Bergrivier en Saldanhaabaai, en ingesluit is in die 2017/18 begroting;
 - (ii) Dat daar **kennis geneem word** dat die waardevermindering vir 2017/18 gebaseer is op dieselfde persentasie toedeling as die eksterne lenings, aangesien die werklike bedrae nog nie bekend is nie;
 - (iii) Dat daar kennis geneem word dat die balans van die eksterne lening soos op 1 Julie 2017, R28 129 733 gaan beloop met 'n rentekomponent van R4,7 mil;
- (n) **Ten aansien van die infasering van die belasting van die geografiese gebiede, te wete Grottoabaai en Jakkalsfontein:**
 - (i) Dat daar **kennis geneem, en aldus goedkeuring verleen word** dat die wysigings aan die eiendomsbelastingwet – wat 75% korting toegelaat het aan geografiese gebiede, oor 'n tydperk van sewe jaar uitfaseer word, waarvan die eerste 10% fasering reeds in die 2015/16 finansiële jaar gedoen is, en waarna die oorblywende 65% heffing oor die daaropvolgende jare infaseer sal word teen die volgende persentasies:

3.3(n)/...

• 2016/17	:	55%	(10%)
• 2017/18	:	44%	(11%)
• 2018/19	:	33%	(11%)
• 2019/20	:	22%	(11%)
• 2020/21	:	11%	(11%)

waarna die tarief gelykstaande aan die residensiële tarief sal wees in die 2021/22 finansiële jaar, m.a.w.gelyk aan 100% van die goedgekeurde residensiële tarief;

- (o) Dat, ten einde die risiko aan uitstaande debiteure te beperk, die sogenaamde Aqua Loc-waterbestuursmeganisme/meter installeer kan word by huishoudings wat nie hulle verpligtinge nakom nie, of huishoudings wat ingevolge die waterbeperkingsmaatreëls meer as 50kl per maand gebruik, en dat **daar kennis geneem** word dat die kredietbeheer- en skuldinvorderingsbeleid reeds daarvoor voorsiening maak (meer spesifiek klousules 8(j), 8(2) en 11(3)(ii));
- (p) **Ten aansien van die kommentaar van AGRI, Malmesbury (skrywe van 26 April 2016 van mnr Koot Claassen):**
- (i) Dat weens die feit dat die Weskus gedurende Januarie 2016 deur die Nasionale Departement van Samewerkende Regering, ingevolge die Rampbestuurswet (Wet 57 van 2000), tot 'n droogtegeteisterde rampgebied verklaar is, 'n verdere eenmalige 2% (m.a.w. vanaf 78% na 80%) vir die 2016/17 finansiële **jaar toegeken word**;
- (ii) Dat daar **kennis geneem word** dat verdere gesprekke met die Landbouers met ingang van September 2016 volvoer sal word, aangaande die droogte, al dan nie;
- (q) **Ten aansien van Grottobaai Huiseienaarsvereniging (e-pos gedateer 19 April 2016):**
- (i) Dat daar **kennis geneem word** van die voorskrifte van Waterwese ten aansien van uitsuigtenks, maar dat alvorens die vereistes afgedwing word, die volgende handeling eers volvoer word:
- Bepaling van die hoeveelheid ontwikkelingsgeleenthede wat nog beskikbaar is te Grottobaai, Jakkalsfontein en Tygerfontein;
 - Dat, gebaseer op voormelde bepaling (par (i) hierbo) die risiko van besoedeling van grondwater eers bepaal word;
 - Dat gesprekke met die onderskeie Huiseienaarsverenigings (HEV's) gevoer word voor die afdwinging van die Waterwese voorskrifte;
 - Dat die tarief soos vervat in die tariewelêer wat op die landelike gebied van toepassing is, behou word om ook vir Grottobaai van toepassing te wees, indien die diens benodig word;
- (r) **Ten aansien van mnr Willem Badenhorst se versoek oor afslag op belasting:**
- (i) Dat daar **kennis geneem** word van mnr Willem Badenhorst se versoek om afslag eerder as 'n % te hanteer in teenstelling met die bestaande vaste bedrag wat van tyd tot tyd deur die Raad bepaal word;
- (ii) Dat mnr Badenhorst **bedank** word vir sy insette, maar dat die status quo ten aansien van die 90 dae begroting gehandhaaf word;
- (s) **Ten aansien van die Yzerfontein Inwonersvereniging (skrywe van die Voorsitter – mnr Edward Brittain, gedateer 28 April 2016):**
- (i) Dat daar, ten aansien van die formaat van die begroting waar die koste van verkope en depresiasie steeds nie bygewerk is nie, **kennis geneem word** dat departementele koste intern as 'n uitgawe te boek gestel word en dat die twee formate dus van mekaar verskil. Lg. is die wetlik afdwingbare formate van hoe plaaslike begrotings opgestel moet word en verskil van Provinsiale en Nasionale Regering wat op die "cash basis of accounting" werk, terwyl munisipaliteite op die sg. "accruel" basis werk;

3.3(s)/...

- (ii) Dat daar met verwysing na par 17(3)(a) vanaf die MFMA **volstaan word** met die bestuurskommentaar soos in die skedule vervat;
- (iii) Dat daar ten aansien van die korting vir die Landbouers volstaan word met die besluit in par (p) hierbo, veral weens die droogte in die verklaarde rampgebied;
- (iv) • Dat daar **kennis geneem** word dat paragraaf 4(p) in Swartland Munisipaliteit se konsepbeleid wat verwys na geografiese gebiede behou word, omdat die gebiede van Grottoabaai en Jakkalsfontein vir belastingdoeleindes nog sal bestaan totdat die 100% heffing op eiendomsbelasting oor 7 jaar infaseer is, welke infasering met ingang van 1 Julie 2015 geskied het;
- Dat daar verder **kennis** geneem word dat hierdie infasering geskied ingevolge artikel 93B van die Wet op Eiendomsbelasting en dat Swartland Munisipaliteit se vorige beleid en die wetgewing (Wet 6 van 2004, voor wysiging in 2015) wel toegelaat het, om gedifferensieerde belasting te hef op geografiese gebiede, maar met die wysigings in 2015 (Wet 29 van 2014) dit nie meer toelaatbaar is nie, maar laat dit wel toe dat dit ingevolge die nuwe Artikel 8 (wat nou geografiese gebied uitsluit) ingefaseer word oor 'n maksimum tydperk van 7 jaar en dat genoemde infasering reeds in die 2015/2016 finansiële jaar 'n aanvang geneem het;
- Dat daar **kennis geneem** word dat die Wysigingswet, No 29 van 2014, al die wysigings voorgestel het en bepaal artikel 35 van hierdie Wysigingswet spesifiek wat die oorgangreëlings t.o.v. Artikel 17 – Publieke Dienste Infrastruktuur en Artikel 8 – gedifferensieerde belasting is en dat dit ingevoeg moet word in Artikel 93 in die hoofwet, Wet 6 van 2004 – vandaar Artikel 93A en 93B onderskeidelik;
- Dat daar **kennis geneem** word dat dit Swartland Munisipaliteit se interpretasie is dat die wysiging van Artikel 8 (verwydering van geografiese gebiede) oor 7 jaar ingefaseer moet word, welke infasering van die addisionele heffing met ingang van 1 Julie 2015 beslag gekry het;
- Dat daar verder **kennis geneem** word dat dit nie nodig is om spesiale toestemming vanaf die Minister te verkry nie, aangesien Grottoabaai en Jakkalsfontein nie ingevolge Artikel 8(4) hanteer word nie, aangesien dié gebiede nie omskryf word in Artikel 8(2) nie, maar soos reeds genoem, ingevolge Artikel 93B;
- (v) Dat daar **kennis geneem** word dat Swartland volstaan met R15 000 soos tydens die 90 dae begroting besluit;
- (vi) Dat daar **kennis geneem word** dat ingevolge wetgewing 'n belastingkoers tot 'n maksimum van 25% van die residensiële belastingkoers gehêf mag word, maar die Raad mag ook 'n laer koers bepaal. Hierdie heffing kan wissel juis omdat die Wet die Raad magtig om gedifferensieerde koerse te hef vir die eiendomme toegelaat in Artikel 8. Verder bestaan 'n "afslag" vir die nie-lowering van dienste nie meer nie, maar kan ander faktore, soos rampe, bv. die heersende droogte dan juis hierdie koers bepaal;
- (vii) Dat met verwysing na die "LED maturity assessment", soos in die kommentaar hierbo ge-illustreer, daar **kennis van geneem word**, dat Swartland Munisipaliteit een van die beste drie munisipaliteite is ten aansien van die resultate en dit bewys dat die strategieë en inisiatiewe vrugte afwerp. Verder moet daar kennis geneem word dat Swartland Munisipaliteit met sy skaars hulpbronne en beperkte begroting verplig is om "LED" anders te benader om vir beleggings te kompeteer;

3.3(s)/...

- (viii) Ten aansien van die korting aan persone ouer as 65 jaar daar **kennis geneem** word dat die konsepbeleid **reggestel was** en sal enige verandering in die basis van kortings toegestaan aan pensioenarisse gedurende die volgende begrotings oefening ondersoek en oorweeg word;
 - (ix) Dat daar ten aansien van die tariewe op vakante erwe **kennis geneem** word dat artikel 8(3) wel die Raad magtig om vakante grond teen 'n gediffirensieerde tarief aan te slaan, maar oorweeg die Raad dit nie op die stadium nie;
 - (x) Dat daar **kennis geneem word** dat sodra die huidige 5kl gratis water uifaseer is, kan 'n basiese tarief op water oorweeg word. Die uifasering binne twee jaar is nie bekostigbaar vir alle huishoudings nie en was die besluit om dit met 1kl jaarliks te verminder;
 - (xi) Dat ten aansien van die verlies op water, daar verder **kennis geneem** word dat die oorname van bates vanaf die WKDM, sowel as die lenings, veroorsaak dat die huidige tekort oor 'n langer periode uifaseer word gegewe die huidige swak ekonomiese omstandighede;
 - (xii) Dat met verwysing na die riooltarief se 10% styging, daar **kennis van geneem** word dat die verhoging van 10% ingestel is om te verseker dat die diens volhoubaar gelewer word en om voorsiening te maak vir grootmaat uitbreidings. Verder moet daar kennis geneem word dat daar geen verband is tussen die water- en riooltarief nie;
 - (xiii) Dat met verwysing na die sg. vry rioleringsdiens wat met 'n vorige ontwikkeling plaasgevind het, daar kennis geneem word dat ondersoek in voormelde geval en die aangeleentheid as 'n prestasie indikator van die Direkteur: Siviele Ingenieursdienste geformuleer was in die 2015/16 finansiële jaar, welke uitslag teen jaareinde op gerapporteer sal word;
 - (xiv) Dat met verwysing na die hef van 'n basiese tarief op die vullisverwydering, plus 'n gebruikerstarief, die aanbeveling nie oorweeg word nie en dat die **status quo** vir die 2016/17 finansiële jaar behou word;
 - (xv) Dat met verwysing van die ongelukkigheid aangaande die sluiting van die stortingsterrein, daar **volstaan word** met die kommentaar soos vervat in die skedule;
 - (xvi) Dat daar met verwysing na die kapitale besteding op Yzerfontein **daar volstaan** word met die departemetele kommentaar, soos in die skedule vervat en dat kapitaalprojekte na die wyksplanne verwys moet word om vir befondsing mee te ding.
- (t) Dat kennis geneem word:
- (i) van die ANC-raadslede se teenkanting teen die besluit om die gratis water aan deernishouhoudings te verminder vanaf 9kl na 8kl, sowel as die vermindering van die subsidie op eiendomsbelasting vanaf R115 000 na R95 000;
 - (ii) van die Uitvoerende Burgemeester se repliek daarop dat die vermindering van water vanaf 9kl na 8kl, sowel as die vermindering van die subsidie op eiendomsbelasting, soos reeds 'n jaar gelede terug besluit, ten doel het om meer behoeftige huishoudings finansiël te kan ondersteun.

3.4 SLEUTELPRESTASIE-AANWYSERS (KPI'S) EN TEIKENS VIR 2016/2017 (2/1/4/4/1)

Die sleutelprestasie-aanwysers moet jaarliks ingevolge regulasie 11(1) van die Munisipale Beplanning- en Prestasiebestuursregulasies, 2001 hersien word, maar ook wanneer 'n munisipaliteit sy GOP wysig.

3.4/...

Die aanbeveling voor die Raad word deur die Speaker tot stemming gebring en word daar –

EENPARIG BESLUIT

(op voorstel van rdh T van Essen, gesecondeer deur rdl O M Semele)

Dat die aangehegte sleutelprestasie-aanwysers (KPI's) en teikens deur die Raad goedgekeur word.

**GETEKEN:
SPEAKER**